

**Умрбод озодликдан маҳрум
қилиш тариқасидаги жазони
ижро этиш**

1. Умрбод озодликдан маҳрум қилиш тариқасидаги жазони ижро этиш тартиби ва шартлари.
2. Умрбод озодликдан маҳрум қилинган маҳкумларнинг меҳнатини ташкил этиши.
3. Умрбод озодликдан маҳрум қилинган маҳкумларни рағбатлантириш ва интизомий жазо чораларини бериш тартиби ва шартлари.
4. Умрбод озодликдан маҳрум қилинган маҳкумларни авф этиш тўғрисида илтимосномани бериш тартиби.

Умрбод озодликдан маҳрум қилиш тариқасидаги жазони ўташ тартиби

Умрбод озодликдан маҳрум этишга ҳукм қилинган маҳкумлар махсус сақлаш шароитларига эга бўлган махсус тартибли колонияларда сақланадилар.

Муддатнинг камида ўн йилини ўтаган, белгиланган тартибни бузганлик учун интизомий жазо олмаган умрбод озодликдан маҳрум этишга ҳукм қилинганлар қаттиқ сақлаш шароитларидан одатдаги сақлаш шароитларига ўтказилишлари мумкин.

Умрбод озодликдан маҳрум этишга ҳукм қилинган маҳкумлар жазони қаттиқ, одатдаги ва енгиллаштирилган сақлаш шароитларида ўтайдилар.

Умрбод озодликдан маҳрум этишга ҳукм қилинганлар жазонинг дастлабки ўн йилини қаттиқ сақлаш шароитларида ўтайдилар.

Умрбод озодликдан маҳрум этишга ҳукм қилинган маҳкумлар камераларга кўпи билан икки кишидан жойлаштирилади.

Муддатнинг камида ўн беш йилини ўтаган, белгиланган тартибни бузганлик учун интизомий жазо олмаган умрбод озодликдан маҳрум этишга ҳукм қилинганлар одатдаги сақлаш шароитларидан енгиллаштирилган сақлаш шароитларига ўтказилишлари мумкин.

Умрбод озодликдан маҳрум қилинган маҳкумларнинг жазони сақлаш шароитлари қуйидагиларга бўлинади:



ҚАТТИҚ

Умрбод озодликдан маҳрум қилинган маҳкумлар жазонинг дастлабки ўн йилини қаттиқ сақлаш шароитларида ўтайдилар.



ОДАТДАГИ

Жазонинг камида ўн йилини ўтаган, белгиланган тартибни бузганлик учун интизомий жазо олмаган умрбод озодликдан маҳрум қилинган маҳкумлар қаттиқ сақлаш шароитларидан одатдаги сақлаш шароитларига ўтказилишлари



ЕНГИЛЛАШТИРИЛГАН

Жазонинг камида ўн беш йилини ўтаган, белгиланган тартибни бузганлик учун интизомий жазо олмаган умрбод озодликдан маҳрум қилинган маҳкумлар одатдаги сақлаш шароитларидан енгиллаштирилган сақлаш шароитларига ўтказилишлари мумкин.

Умрбод озодликдан маҳрум қилинган битта маҳкумга тўғри келадиган яшаш майдони нормаси тўрт квадрат метрдан кам бўлиши мумкин эмас.

Умрбод озодликдан маҳрум қилиш тартиқидаги жазони ўташ шартлари

Умрбод озодликдан маҳрум қилиниб, жазони қаттиқ сақлаш шароитларида ўтаётган маҳкумлар ўз шахсий ҳисобварағида мавжуд бўлган маблағлардан белгиланган энг кам иш ҳақи миқдорининг 75 фоизигача бўлган суммага ҳар ойда озиқ-овқат маҳсулотлари ва энг зарур нарсалар сотиб олиш, йил мобайнида 1 марта қисқа муддатли учрашув, 1 марта телефон орқали сўзлашув, 1 та посилка ёки йўқлов, 1 та бандерол олиш ҳуқуқига эга.

Умрбод озодликдан маҳрум қилиниб, жазони одатдаги сақлаш шароитларида ўтаётган маҳкумлар ўз шахсий ҳисобварағида мавжуд бўлган маблағлардан қонун ҳужжатларида белгиланган энг кам иш ҳақининг 1 бараваригача миқдордаги суммага ҳар ойда озиқ-овқат маҳсулотлари ва энг зарур нарсалар сотиб олиш, йил мобайнида 1 а узоқ муддатли ва 1 марта қисқа муддатли учрашув, 2 та телефон орқали сўзлашув, 2та посилка ёки йўқлов, 2та бандерол олиш ҳуқуқига эга.

Умрбод озодликдан маҳрум қилиниб, жазони енгиллаштирилган сақлаш шароитларида ўтаётган маҳкумлар ўз шахсий ҳисобварағида мавжуд бўлган маблағлардан белгиланган энг кам иш ҳақининг 1 ярим бараваригача миқдордаги суммага ҳар ойда озиқ-овқат маҳсулотлари ва энг зарур нарсалар сотиб олиш, йил мобайнида 1 марта узоқ муддатли ва 2 марта қисқа муддатли учрашув, 3та телефон орқали сўзлашув, 3та посилка ёки йўқлов, 3та бандерол олиш ҳуқуқига эга.

Умрбод озодликдан маҳрум қилинган маҳкумлар, сақлаш шароитларидан қатъи назар, ҳар куни бир ярим соатгача сайр қилиш ҳуқуқига эга.

УМРБОД ОЗОДЛИҚДАН МАХРУМ ҚИЛИНГАН МАҲКУМЛАРГА НИСБАТАН ҚЎЛЛАНИЛАДИГАН РАҒБАТЛАНТИРИШ ЧОРАЛАРИ:

илгари қўлланилган интизомий жазони мuddатидан олдин олиб ташлаш;



қўшимча посилка, йўқлов ёки бандерол олишга рухсат этиш;

ёрлик, қимматли совға ёки пул мукофоти билан тақдирлаш;




Жазони ўташнинг енгиллаштирилган шароитларига белгиланган тартибда ўтказилган маҳкумларга нисбатан рағбатлантириш тартибида қўшимча учрашиш ёки телефон орқали сўзлашиш имконияти ҳам берилиши мумкин.



қўшимча учрашув ёки телефон орқали сўзлашув ҳуқуқи бериш;

УМРБОД ОЗОДЛИКДАН МАХРУМ ҚИЛИНГАН МАҲКУМЛАРГА НИСБАТАН ҚЎЛЛАНИЛАДИГАН ИНТИЗОМИЙ ЖАЗО ЧОРАЛАРИ:



Ҳайфсан;

сақлаш режимини ашаддий бузувчи маҳкумларни манзил-колониядан умумий тартибли колонияга ўтказиш;

енгиллаштирилган сақлаш шароитини бекор қилиш;

Умрбод озодликдан маҳрум қилиниб, одатдаги ва енгиллаштирилган сақлаш шароитларида белгиланган тартибни ашаддий бузувчи деб топилган маҳкумлар қуйидаги тартибда:

- енгиллаштирилган сақлаш шароитларидан одатдаги ёки қаттиқ сақлаш шароитларига;
- одатдаги сақлаш шароитларидан қаттиқ сақлаш шароитларига ўтказилишлари мумкин.

АФВ ЭТИШ ТЎҒРИСИДА ИЛТИМОСНОМА БЕРИШ

Афв этиш тўғрисидаги илтимоснома умрбод озодликдан маҳрум қилинган шахс томонидан у тайинланган жазонинг йигирма беш йилини ҳақиқатда ўтаб бўлганидан кейин, агар жазони ўташ даврида маҳкум қатъий тузалиш йўлига ўтган, белгиланган тартибни бузганлик учун интизомий жазо олмаган, меҳнат ва ўқишга нисбатан виждонан муносабатда бўлаётган, тарбиявий тадбирлар ўтказишда фаол иштирок этаётган тақдирда эса, тайинланган жазонинг йигирма йилини ҳақиқатда ўтаб бўлганидан кейин берилиши мумкин.

Афв этиш тўғрисидаги илтимоснома узок муддатга озодликдан маҳрум қилинган шахс томонидан у тайинланган жазо муддатининг йигирма йилини ҳақиқатда ўтаб бўлганидан кейин, агар жазони ўташ даврида маҳкум қатъий тузалиш йўлига ўтган, белгиланган тартибни бузганлик учун интизомий жазо олмаган, меҳнат ва ўқишга нисбатан виждонан муносабатда бўлаётган, тарбиявий тадбирлар ўтказишда фаол иштирок этаётган тақдирда эса, тайинланган жазонинг ўн беш йилини ҳақиқатда ўтаб бўлганидан кейин берилиши мумкин.